

ner la conuerfion des Sauuages, qui eut eſté une grande
faute.

*Lettre de Monsieur le grand Vicaire de Pontoise, 66
au Pere Denis Iamet Commissaire des PP. Re-
collechts en Canada.*

Mon Reuerend Pere,

*J'ay receu vostre lettre dattée de Kebec en Cana-
da du quinzième Aoust mil six cens vingt, pour res-
ponce ie vous diray que j'ay grandement admiré
la prouidence Diuine, de ce que comme vous me fistes
ce bien de me voir icy allant en Canada, ie vous
feis entendre mon sentiment sur ceste entreprise, &
vostre Reuerence me tesmoigna auoir le mesme, lors
que nous en traictions & deliberions ensemble à Pon-
toise, y craignant beaucoup d'obstacles. Dieu neant-
moins l'executoit exactement en Canada, ce qui est
comme un petit miracle, qui me faict bien esperer ;
ie louë & remercie Nostre Seigneur, qu'auiez prati-
qué le dire de S. Paul, que ie vous auois tant repeté.
Prius quod animale deuide quod spiritale. Ayant || 67
une maison à part hors l'habitation, qui sera un
Conuent où vous & vos Peres & Freres seruirez à
Dieu, en l'obseruance reguliere, en prieres, contem-
plations, sacrifice & penitence, & qui pourra seruir
d'un Seminaire de Sauuages, & d'un lieu pour exer-*